

BOSNA I HERCEGOVINA
Federacija Bosne i Hercegovine
TUZLANSKI KANTON
V L A D A

Broj: 02/1-04-19509/24
Tuzla, 12.06.2024. godine

Na osnovu člana 5. i 29. Zakona o Vladi Tuzlanskog kantona ("Službene novine Tuzlanskog kantona", br. 17/00, 1/05, 11/06, 13/11 i 15/17), Vlada Tuzlanskog kantona na sjednici održanoj dana 12.06.2024. godine, donosi

ZAKLJUČAK

I

Prihvata se Informacija o maloljetničkoj delinkvenciji na području Tuzlanskog kantona.

II

Informacija iz tačke I ovog Zaključka uputit će se Skupštini Tuzlanskog kantona na razmatranje.

DOSTAVITI:

- 1 x Skupštini Tuzlanskog kantona
- 1 x Ministarstvu unutrašnjih poslova
- 1 x Ministarstvu pravosuđa i uprave
- 1 x JU Odgojni centar Tuzlanskog kantona
- 1 x Evidenciji
- 1 x a/a



PREMIJER KANTONA

Irfan Halilagić



Broj:08-06/

/24

Datum:20.05.2024.godine

INFORMACIJA O MALOLJETNIČKOJ DELINKVENCiji NA PODRUČJU TUZLANSKOG KANTONA

U cilju realizacije mjere „Informacija o maloljetničkoj delinkvenciji na području Tuzlanskog kantona“, čiji su nosioci aktivnosti Ministarstvo unutrašnjih poslova, Ministarstvo pravosuđa i uprave i Odgojni centar, a radi izrade jedinstvene informacije, Ministarstvo unutrašnjih poslova je sačinilo zajedničku interesornu Informaciju koja je podijeljena na dijelove prema nosiocima aktivnosti. Informacija je sačinjena na osnovu dostavljenih informacija od Ministarstva unutrašnjih poslova i Odgojnog centra, a dio informacije iz nadležnosti Ministarstva pravosuđa i uprave, sačinjen je na osnovu dostavljenih podataka od strane Kantonalnog tužilaštva Tuzlanskog kantona (u daljem tekstu : Kantonalno tužilaštvo) i nadležnih sudova na području Tuzlanskog kantona (u daljem tekstu : Kanton).

MINISTARSTVO UNUTRAŠNJIH POSLOVA TUZLANSKOG KANTONA

Uprava policije MUP TK-a kontinuirano provodi aktivnosti vezane za maloljetničku delinkveciju koja predstavlja društveni problem kako na području BiH tako i na području Tuzlanskog kantona i koja obuhvata sve teže oblike asocijalnog, antisocijalnog i kriminalnog ponašanja. Prema širem shvatanju maloljetnička delinkvencija podrazumijeva sve devijacije u ponašanju mladih ljudi i slična neprihvatljiva ponašanja koja nisu inkriminirana u kaznenom zakonu kao i ona ponašanja koja su inkriminirana u zakonu, dok prema užem shvatanju maloljetnička delinkvencija obuhvata sve aktivnosti maloljetnika koje su inkriminirane pozitivnim kaznenim zakonima gdje maloljetne osobe razne oblike svog delinkventnog ponašanja očituju čineći protupravne radnje koje imaju obilježja krivičnih djela i prekršaja. Uzimajući u obzir uže shvatanje, Informacija o stanju maloljetničke delinkvencije na području TK-a za period januar-decembar 2023.godine sačinjena je na osnovu statističkih pokazatelja iz oblasti kriminaliteta, javnog reda i mira i obuhvata mjere i radnje koje Uprava policije MUP TK-a poduzima kada je u pitanju borba protiv maloljetničke delinkvencije.

Ova informacija obuhvata podatke iz djelokruga rada Uprave policije i to podatke za one aktivnosti koje su inkriminisane normama krivičnog zakonodavstva, a s obzirom da prema širem shvatanju maloljetnička delinkvencija podrazumijeva i raznovrsne devijacije u ponašanju mladih koje nisu u direktnoj zakonskoj nadležnosti i domenu rada policije značajno je napomenuti da je neophodno pribaviti podatke ostalih nadležnih institucija na području TK-a, kao što su Ministarstvo obrazovanja i nauke, Ministarstvo za rad, socijalnu

politiku i povratak, službi socijalne zaštite, a radi sveobuhvatnog razmatranja problematike maloljetničke delinkvencije.

Uzimajući u obzir navedeno u ovoj informaciji obuhvaćena su lica od 14-18 godina starosti koja su krivično i prekršajno odgovorna, dok nisu uključena djeca do 14 godina starosti koja su shodno zakonskim propisima krivično i prekršajno neodgovorna, a njihovo se društveno neprihvatljivo i delikventno ponašanje može suzbijati i sprečavati isključivo odgojnim i popravnim mjerama iz nadležnosti organa starateljstva ili obrazovnih ustanova i svih drugih segmenata društva.

S ciljem poboljšanja stanja, prevencije i sprovođenja mjera koje se izriču maloljetnicima na području TK-a posebna pažnja se poklanja prevenciji maloljetničkog prestupništva gdje Uprava policije MUP TK-a učestvuje u realizaciji aktivnosti iz “Programa prevencije, intervencije i resocijalizacije maloljetničkog prestupništva za period 2020-2023. godina”, a u čiju realizaciju je uključeno šest resornih ministarstava koja se u svom radu susreću sa problematikom maloljetničkog prestupništva. Glavni cilj Programa prevencije, intrevencije i resocijalizacije maloljetničkog prestupništva jeste smanjenje maloljetničkog prestupništva.

Pored navedenog potrebno je istaći da smo jedan od rijetkih kantona koji postupajući po odredbama koje su navedene u Zakonu o zaštiti i postupanju sa maloljetnicima u krivičnom postupku FBiH ima unutar Uprave policije MUP TK-a formiran Odsjek za seksualne delikte, maloljetničku delinkvenciju i nasilje u porodici u kojem rade posebno edukovani policijski službenici koji pored represivnih mjera poduzimaju i preventivne mjere u borbi protiv maloljetničke delinkvencije.

A-Kriminalitet maloljetnika I-XII 2023 godina

U toku 2023.godine na području Tuzlanskog kantona evidentirano je 50 krivičnih djela počinjenih od strane maloljetnih lica, što je za 56 krivičnih djela ili 52,8% manje u odnosu na isti period 2022.godine. Broj maloljetnih učinilaca koji su učestvovali u izvršenju ovih krivičnih djela je 69, što je za 53 učinioca ili 43,4% manje u odnosu na 2022.godinu. U ukupnoj strukturi prijavljenih učinilaca krivičnih djela, maloljetnika je 2,5%, a u ukupnom broju krivičnih djela u navedenom periodu kriminal maloljetnika prosječno učestvuje sa 1,4 % što je u manje od prosjeka većine evropskih zemalja (od 3 % do 10%).

Posmatrano po općinama problematika maloljetničke delinkvencije je najizraženija na području Grada Tuzla (11 krivičnih djela), a zatim slijede: Živinice (9) Lukavac (5), Gradačac (4), Banovići (9); i dr.

	2022	2023	razlika	trend %
Ukupan broj krivičnih djela	3666	3482	-184	-5,0
Broj KD koje su počinili maloljetnici	106	50	-56	-52,8
% učešća KD-a učinjenih od strane maloljetnika	2,9	1,4		

Tabela. 1. Tabela pregled broja kd-a učinjenih od strane maloljetnih lica u odnosu na ukupan broj učinjenih kd-a..


	2022	2023	razlika	trend %
Ukupan broj učinilaca krivičnih djela	3219	2791	-428	-13,3
Broj maloljetnih učinilaca KD-a	122	69	-53	-43,4
% učešća maloljetnih učinilaca u ukupnom broju učinilaca KD-a	3,8	2,5		

Tabela.2. Tabela pregled broja maloljetnih učinilaca u odnosu na ukupan broj učinilaca kd-a.(jedno lice se može više puta pojaviti kao učinilac krivičnog djela

	2022	2023	razlika	trend %
Ukupan broj prijavljenih lica	2588	2415	-173	-6,7
Od toga broj prijavljenih maloljetnika	92	64	-28	-30,4
% učešća maloljetnika u izvršenju ukupnog broja KD-a	3,55	2,7		

Tabela.3. Tabela pregled broja prijavljenih maloljetnih lica u odnosu na ukupan broj prijavljenih lica za počinjena kd-a..

Kada je u pitanju broj maloljetnih učinilaca u 2023. godini došlo je do promjene u odnosu na isti period prošle godine, te je smanjen broj prijavljenih maloljetnih lica za 30,4% odnosno za 28 lica manje u odnosu na 2022. godinu.




Kao što se iz prezentiranih pokazatelja može uočiti, u 2023. godini, na području Tuzlanskog kantona, u odnosu na isti period 2022. godine, smanjen je broj krivičnih djela izvršenih od strane maloljetnika, kao i broj maloljetnih učinilaca krivičnih djela.

B- Prekršaji počinjeni od strane maloljetnika u 2023.godini

Blaži oblici kršenja zakona od strane maloljetnika su prekršaji. Prekršaji maloljetnika se uglavnom odnose na Zakon o javnom redu i miru TK-a (tuča,vika,galama,drsko ponašanje, naročito drsko ponašanje). U 2023.godini evidentiran je 31 slučaj narušavanja javnog reda i mira, što je u odnosu na 2022.godinu povećanje za 8 prekršaja izvršenih od strane maloljetnika. Na sledećem grafikonu prikazani pokazatelji izvršenih prekršaja od strane maloljetnika na području TK-a za period 2019.-2023. godine iz kojih je vidljivo da je na petogodišnjem nivou evidentan trend pada prekršaja počinjenih od strane maloljetnika.

Kretanje pokazatelja izvršenih prekršaja od strane maloljetnih lica na području TK-a u periodu 2019.godina-2023.godina



C- Preventivne aktivnosti

Jedan od osnovnih zadataka, vezano za maloljetničku delinkvenciju, je preduzimanje preventivnih aktivnosti u cilju sprečavanja maloljetnika u vršenju krivičnih djela i prekršaja i smanjenja broja maloljetnih izvršilaca krivičnih djela i prekršaja, a u okviru koje se ostvaruje saradnja, kako sa vladinim tako i nevladinim organizacijama.

Službenici Uprave policije MUP TK-a shodno mjerama i aktivnostima koji prozilaze iz „Programa prevencije, intervencije i resocijalizacije maloljetničkog prestupništva u Tuzlanskom kantonu za period 2020-2023.godina, nastavili su sa preventivnim aktivnostima u školskoj 2022/2023. godini, te je sačinjen Operativni plan Uprave policije MUP TK-a za 2022/2023. godinu. Shodno navedenom Operativnom planu službenici Uprave policije MUP TK-a iz Odsjeka za seksualne delikte, maloljetničku delinkvenciju i nasilje u porodici, u

školskoj u 2023. godini zajedno sa službenicima koji su zaduženi za rad policije u zajednici i uz povremeno učešće osoblja JU Odgojni centar za maloljetnike Tuzla, s ciljem upoznavanja učenika sa oblicima, radnjama i sankcijama koje se odnose na kršenje i prihvatanje opće prihvatljivih društvenih normi, održali su edukativna predavanja u 11 osnovnih i 6 srednjih škola na području TK, u kojima je održano 17 radionica na kojima je ukupno prisustvovalo 1050 učenika i određen broj nastavnika i pedagoškog osoblja.

Pored navedenog u okviru projekta Rad policije u zajednici od strane službenika Uprave policije MUP TK-a koji su zaduženi za rad policije u zajednici tokom 2023. godine održana su edukativna predavanja na temu međuvršnjačkog nasilja i maloljetničke delinkvencije, nedozvoljenog držanja oružja kao i štenosti upotrebe opojnih droga učenicima triju osnovnih škola na području TK-a, kojima je ukupno prisustvovalo 670 učenika osnovnih škola.

Uprava policije MUP TK-a u toku 2023. godine realizovala je i javnu kampanju pod nazivom Spriječimo maloljetničko prestupništvo. Riječ je o višemjesečnoj kampanji koja se realizovala u saradnji sa medijskom kućom RTV Slon Extra, uz učešće predstavnika Tužilaštva Tuzlanskog kantona, Centra za socijalni rad, Odgojnog centra TK-a i stručnog lica - pedagoga, a sve u cilju multisektorskog djelovanja na suzbijanju i sprečavanju krivičnih djela počinjenih od strane maloljetnih osoba.

U okviru realizacije navedene kampanje u programu RTV Slon Extra emitovali su se video klipovi edukativnog karaktera putem kojih su prezentovane nadležnosti i djelovanja resornih institucija kada je u pitanju rad sa maloljetnicima u sukobu sa zakonom, kao i ključne poruke kampanje: „Izaberi prijateljstvo a ne nasilje!“, „Budi prijatelj a ne nasilnik!“, „Lično si odgovoran za svoje postupke“, „Maloljetnik u dobi od 14 do 18 godina života je krivično i prekršajno odgovoran“ i dr., a isti se mogu pogledati i na You tube kanalu MUP TK-a na sljedećem linku <https://www.youtube.com/@muptktuzla2168/videos>

Ove aktivnosti koje poduzima Uprava policije MUP TK-a predstavljaju preventivni aspekt pristupa problemu u nastojanju da se preduhitre sve neželjene posljedice koje sa sobom nosi maloljetničko prestupništvo, a nastavak preventivnih aktivnosti planiran je i u 2024. godini, s obzirom je da iz prezentiranih uporednih statističkih pokazatelja za period 2022/2023. godina, došlo do smanjenja kako broja prijavljenih maloljetnih lica, tako i smanjenja broja krivičnih djela počinjenih od strane maloljetnika na području TK-a.

D-Opremljenost i uslovi rada sa maloljetnicima

U cilju unapređenja uslova za rad sa djecom i maloljetnicima u krivičnom postupku Uprava policije MUP TK-a je u 2023 godini vlastitim sredstvima izvršila opremanje prostorije koja se koristi za audio-vizuelno saslušanje djece i maloljetnika u Policijskoj Upravi Gradačac, a ista je prema odredbama Zakona o zaštiti i postupanju sa djecom i maloljetnicima u krivičnom postupku u FBiH, neophodna za saslušanje djece i maloljetnika u krivičnom postupku. S obzirom da samo dvije policijske Uprave na kantonu (PU Tuzla i PU Gradačac) posjeduju prostoriju za saslušanje djece i maloljetnika, u narednom periodu potrebno iznaći sredstva kako bi se adekvatno opremile prostorije za saslušanje djece i maloljetnika i u drugim policijskim Upravama na području TK-a.

Kada je u pitanju kadrovska obučenosť za rad sa djecom i maloljetnicima, koja je prema odredbama Zakona o zaštiti i postupanju sa djecom i maloljetnicima u FBiH obavezna za policijske službenike koji rade sa djecom i maloljetnicima, u pojedinim Policijskim upravama uočen je *nedovoljan broj policijskih službenika koji su certificirani za rad sa djecom i maloljetnicima*, a sve iz razloga što od 2019.godine od strane Ministarstva pravde FBiH i Ministarstva unutrašnjih poslova FBiH nije organizovan ovaj vid obavezne edukacije za policijske službenike. Shodno navedenom Uprava policije MUP TK-a se u 2023.godini sa zahjevom više puta obraćala Ministarstvu unutrašnjih poslova FBiH da organizuje novi ciklus obuke za policijske službenike, ali do kraja 2023.godine Uprava policije MUP TK-a nije obavještena od strane F MUP-a o organizaciji novog ciklusa obuke za policijske službenike.

U cjelini gledano stanje maloljetničke delinkvencije na području Tuzlanskog kantona u 2023.godini može se ocijeniti zadovoljavajućim.

MINISTARSTVO PRAVOSUĐA I UPRAVE TUZLANSKOG KANTONA

Ministarstvo pravosuđa i uprave, nakon što je zaprimilo sveobuhvatna izjašnjenja Kantonalnog tužilaštva Tuzlanskog kantona (u daljem tekstu : Kantonalno tužilaštvo) i nadležnih sudova na području Tuzlanskog kantona (u daljem tekstu : Kanton), sačinilo je sljedeću informaciju:

Prema dostavljenim podacima Kantonalnog tužilaštva, na području Kantona u periodu od 01.01.2023. do 31.12.2023.godine utvrđeno je da je iz ranijih godina neriješeno 28 predmeta protiv maloljetnika, zaprimljeno je 70 predmeta a riješeno je ukupno 75 predmeta.

Od 75 riješenih predmeta protiv 33 maloljetnika u sukobu sa zakonom nadležnim sudovima u Tuzlanskom kantonu su u 27 predmeta upućeni prijedlozi za izricanje vanzavodskih mjera a u 3 predmeta, za 4 maloljetnika su upućeni prijedlozi za izricanje zavodskih odgojnih mjera.

Od ukupnog broja završenih predmeta, 38 predmeta, za 52 maloljetnika u sukobu sa zakonom, završeno je nepokretanjem krivičnog postupka, obustavom ili nepokretanjem pripremnog postupka, 1 predmet završen je davanjem saglasnosti za izricanje mjere Policijskog upozorenja za 1 maloljetnika, dok je 5 predmeta za 6 maloljetnika završeno spajanjem ili ustupanjem nadležnom tužilaštvu.

Prema izvještajima nadležnih sudova na području Kantona vođeni su postupci i izrečene mjere protiv **ukupno 39 maloljetnih lica u 38 predmeta u 2023-oj godini, dok je u 2022-oj godini vođen postupak i izrečene mjere protiv 37 maloljetnih lica u 35 predmeta.**

Vrsta krivičnog djela i izrečena odgojna mjera po sudovima u Kantonu:

Pred Općinskim sudom u Tuzli u 2023-oj godini vođen je postupak protiv 11 maloljetnih lica i to:

- a) Zbog krivičnog djela Nasilje u porodici iz člana 222. stav 4. u vezi sa stavom 2 i stavom 1. KZFBiH, dva predmeta, izrečena odgojna mjera – zavodska mjera, upućivanje u odgojno – popravni dom u jednom predmetu, a u drugom pojačan nadzor organa socijalnog staranja,
- Zbog krivičnog djela Nasilničko ponašanje iz člana 362. stav 1. KZFBiH (dva predmeta, tri maloljetnika), izrečena odgojna mjera - Pojačan nadzor nadležnog organa socijanog staranja,
- Zbog krivičnog djela Laka tjelesna ozljeda iz člana 173. stav 1. KZFBiH, 1 predmet, pojačan nadzor roditelja, usvojitelja ili staratelja,
- Zbog krivičnog djela Teška krivična djela protiv sigurnosti javnog prometa iz člana 336. stav 1., a u vezi sa krivičnim djelom – Ugrožavanje javnog prometa – iz člana 332. stav 1. KZFBiH, izrečena odgojna mjera - pojačan nadzor nadležnog organa socijanog staranja,
- Zbog krivičnog djela Teška krađa iz člana 287. stav 1. KZFBiH, izrečena odgojna mjera - pojačan nadzor nadležnog organa socijalnog staranja,
- Zbog krivičnog djela Spolni odnošaj s djetetom iz člana 207. stav 4. u vezi sa stavom 1. KZFBiH a u vezi sa članom 54. istog Zakona u sticaju sa krivičnim djelom Nasilničko ponašanje iz člana 362. stav 2. u vezi sa stavom 1. KZFBiH, izrečena odgojna mjera – upućivanje u odgojni centar dnevnim boravkom u trajanju dva sata, dva puta sedmično u ukupnom trajanju od trideset dana,
- Zbog krivičnog djela Zloupotreba znaka za pomoć i opasnost iz člana 372. KZFBiH, 1 predmet, izrečena odgojna mjera - pojačan nadzor nadležnog organa socijalnog staranja, sud će naknadno odlučiti o prestanku izrečene vaspitne mjere s tim da njeno trajanje ne može biti manje od šest mjeseci niti duže od dvije godine,
- Zbog krivičnog djela Oštećenje tuđe stvari iz člana 293. stav 2. KZFBiH, izrečena odgojna mjera - pojačan nadzor nadležnog organa socijane zaštite.

Pred Općinskim sudom u Srebreniku u 2023-oj godini vođen je postupak protiv 2 maloljetna lica i to:

- Zbog krivičnog djela Nasilničko ponašanje iz člana 362. stav 2. u vezi sa stavom 1. KZFBiH, nije završen,
- zbog krivičnog djela Teška tjelesna ozljeda, član 172. stav 6. u vezi sa stavom 1. KZFBiH, izrečena odgojna mjera - sudski ukor.

Pred Općinskim sudom u Gradačcu u 2023-oj godini vođen je postupak protiv 8 maloljetnih lica i to:

- a) Zbog krivičnog djela – Laka tjelesna ozljeda iz člana 173. stav 1. KZ FBiH , dva predmeta, izrečena odgojna mjera sudski ukor u jednom predmetu, a u drugom predmetu pojačan nadzor nadležnog organa socijalne zaštite,
- Zbog krivičnog djela Nasilničko ponašanje iz člana 362. stav 1. KZFBiH, dva predmeta, postupci obustavljeni,
- Zbog krivičnog djela Krađa iz člana 286. stav 1. KZFBiH, 2 predmeta, jedan postupak obustavljen a u drugom izrečena odgojna mjera- pojačan nadzor nadležnog organa socijalne zaštite,
- Zbog krivičnog djela Razbojništvo iz člana 289. stav 1. KZ FBiH u sticaju sa krivičnim djelom – Nasilničko ponašanje iz člana 362. stav 1. KZFBiH, u sticaju sa krivičnim djelom – Posjedovanje i omogućavanje uživanja opojnih droga iz člana 239. stav 3. KZ FBiH, u sticaju sa krivičnim djelom – Krađa iz člana 286. stav 1. KZFBiH, u sticaju sa krivičnim djelom – Nasilje u porodici iz člana 222. stav 2. u vezi sa stavom 1. KZFBiH, u sticaju sa krivičnim djelom – Nasilničko ponašanje iz člana 362. stav 2. u vezi sa stavom 1. KZ FBiH a sve u vezi sa članom 54. i 55. istog Zakona, obustavljen postupak,
- Zbog krivičnog djela – Neovlaštena proizvodnja i stavljanje u promet opojnih droga iz člana 238. stav 1. KZFBiH, 1 predmet, obustavljeno izvršenja odgojne mjere.

Pred Općinskim sudom u Živinicama u 2023-oj godini vođen je postupak protiv 2 maloljetna lica i to:

- Zbog krivičnog djela Razbojništvo iz člana 289. stav 2. u vezi sa stavom 1. KZ FBiH, a u vezi sa članom 31. i članom 54. istog Zakona, izrečena odgojna mjera – upućivanje u odgojno popravni dom Orašje,
- Zbog krivičnog djela Teška krađa iz člana 287. stav 1. tačka a) u vezi sa članom 31. KZ FBiH - 1 predmet, nije završen.

Pred Općinskim sudom u Gračanici u 2023-oj godini vođen je postupak protiv 6 maloljetnih lica i to:

- Zbog krivičnog djela – Posjedovanje i omogućavanje uživanja opojnih droga, izrečena odgojna mjera pojačan nadzor nadležnog organa socijalnog staranja,
- Zbog krivičnog djela – Protupravno lišenje slobode, Posjedovanje i omogućavanje uživanja opojnih droga, Neovlašteno nabavljanje, držanje i prodaja oružja i bitnih dijelova za oružje, Neovlašteno nabavljanje, držanje i prodaja municije, izrečena kazna maloljetničkog zatvora u trajanju od 3 (tri) godine,
- Zbog krivičnog djela – Laka tjelesna ozljeda, izrečena odgojna mjera pojačan nadzor roditelja,
- Zbog krivičnog djela – Spolni odnošaj s djetetom, izrečena odgojna mjera Pojačan nadzor nadležnog organa socijalnog staranja,

- Zbog krivičnog djela - Iskorištavanje djeteta ili maloljetnika radi pornografije, izrečena odgojna mjera Pojačan nadzor nadležnog organa socijalne zaštite,
- Zbog krivičnog djela Protiv sigurnosti javnog prometa i Ugrožavanje javnog prometa, izrečena odgojna mjera Pojačan nadzor nadležnog organa socijalne zaštite.

Pred Općinskim sudom u Lukavcu u 2023-oj godini vođen je postupak protiv 2 maloljetna lica i to:

- Zbog krivičnog djela Krađa iz člana 286. stav 2. u vezi sa stavom 1. KZ FBiH, 1 predmet, izrečen sudski ukor,
- Zbog krivičnog djela Zloupotreba znaka za pomoć i opasnost iz člana 372. stav 1. u vezi sa članom 55. KZ FBiH, izrečena odgojna mjera Upućivanje u odgojni centar, 4 sata dnevno radnim danima u ukupnom trajanju od 30 dana.

Pred Općinskim sudom u Banovićima u 2023-oj godini vođen je postupak protiv 3 maloljetna lica i to:

- Zbog krivičnog djela – Oduzimanje tuđe pokretne stvari iz člana 291. stav 1. KZ FBiH u vezi sa članom 31. i Krađa iz člana 286. stav 1. KZ FBiH u vezi sa članom 31. i 55. KZ FBiH, postupak u toku, nije izrečena mjera,
- Zbog krivičnog djela – Laka tjelesna ozljeda iz člana 173. Stav 1. KZ FBiH, izrečena odgojna mjera upućivanje u odgojni centar,
- Zbog krivičnog djela – Krađa iz člana 286. stav 1. KZ FBiH, postupak u toku, nije izrečena mjera.

Pred Općinskim sudom u Kalesiji u 2023-oj godini vođen je postupak protiv 5 maloljetnih lica i to:

- Zbog krivičnog djela Utaja iz člana 290. stav 5. KZFBiH, izrečena je mjera upozorenja i usmjeravanja- Sudski ukor,
- Zbog počinjenog krivičnog djela Nasilje u porodici iz člana 222. stav 1. KZFBiH, Kantonalno tužilaštvo povuklo prijedlog,
- Zbog počinjenog krivičnog djela Iskorištavanje djeteta ili maloljetnika radi pornografije iz člana 211. stav 1. KZFBiH, izrečena je odgojna mjera Pojačan nadzor nadležnog organa socijalnog staranja,
- Zbog krivičnog djela Otuđenje tuđe stvari iz člana 293. stav 1. KZFBiH, 1 predmet, izrečena je odgojna mjera Mjera upozorenja i usmjeravanja – Sudski ukor,
- Zbog krivičnog djela Spolni odnošaj s djetetom iz člana 207. stav 1 KZFBiH, izrečena je odgojna mjera Pojačan nadzor nadležnog organa socijalnog staranja.

Iz naprijed navedenih podataka, može se utvrditi da su maloljetnici najčešće izvršavali sljedeća krivična djela : Posjedovanje i omogućavanje uživanja opojnih droga, Laka tjelesna ozljeda, Teška tjelesna ozljeda, Krađa, Teška krađa, Nasilničko ponašanje, Nasilje u porodici. Sudovi na području Kantona najčešće su izricali odgojne mjere pojačan nadzor roditelja, usvojitelja ili staratelja i pojačan nadzor nadležnog organa socijalnog staranja.

JU ODGOJNI CENTAR TUZLANSKOG KANTONA

U okviru djelatnosti Javne ustanove Odgojni centar Tuzlanskog kantona i to izvršenja odgojne mjere i stručno dijagnostičko opservacionih/preventivnih tretmana aktivno je rađeno sa ukupno 56 maloljetnika u periodu od 01.01.2023.-31.12.2023.godine.


ODJELJENJE IZVRŠENJA ODGOJNE MJERE:

U periodu od 01.01.- 31.12.2023.godine JU Odgojni centar Tuzlanskog kantona aktivno je radio sa 7 (sedam) maloljetnika na izvršenje krivične sankcije- odgojne mjere. Od tog broja 3 (tri) izvršenja odgojne mjere su prenešena iz predhodne godine. U odjeljenju za izvršenje odgojne mjere izvršava se odgojna mjera uz primjenu socio-pedagoških i psiholoških metoda koje su usmjerene na promjenu ponašanja i resocijalizaciju maloljetnog učinioca krivičnog djela.

Struktura izrečenih odgojnih mjera upućivanja maloljetnih učinioca krivičnih djela od strane nadležnih sudova u toku 2023. godine je slijedeća:

- Općinski sud Tuzla izrekao je 5 (pet) odgojnih mjera upućivanja u JU Odgojni centar Tk-a,
- Općinski sud Banovići izrekao je 1 (jednu) odgojnu mjeru upućivanja u JU Odgojni centar Tk-a,
- Općinski sud Lukavac izrekao je 1 (jednu) odgojnu mjeru upućivanja u JU Odgojni centar Tk-a,

Dijagram br.1. – Broj izrečenih mjera po sudovima u 2023. godini




Prema predstavljenom dijagramu br.1. vidljivo je da u izricanju odgojne mjere upućivanja u JU Odgojni centar Tk-a najviše mjera izrekao Općinski sud Tuzla, sa 5 (pet) izrečenih mjera, zatim Općinski sud Lukavac i Banovići po 1 (jednu) izrečenu odgojnu mjeru.


U dijagramu br.2. predstavljen je pregled dobnih skupina maloljetnika prema kojim su

izrečene odgojne mjere upućivanja u JU Odgojni centar Tk-a.

Dijagram br.2. – Godišta maloljetnika upućenih u JU Odgojni centar Tk-a u 2023. godini.



Iz dijagrama br.2. vidljivo je da su maloljetnici koji su upućeni u JU Odgojni centar Tk-a prema godini rođenja i to: 6 (šest) maloljetnika 2005 godišta, te 1 (jedan) maloljetnik 2007 godišta.




Dijagram br.3 – Struktura krivičnih djela za koja su maloljetnici upućeni u JU Odgojni centar Tk-a u 2023. godini

U 2023. godini maloljetnici koji su upućeni u JU Odgojni centar Tk-a najčešće su bili počinioci sljedećih krivičnih djela:

- Nasilničko ponašanje –3,
- Laka tjelesna ozljeda -1,
- Teška tjelesna ozljeda-1,
- Spolni odnošaj sa djetetom-1,
- Zloupotreba znaka za pomoć i opasnost-1.


U dijagramu broj 3 (tri) predstavljena je struktura krivičnih djela za koja su maloljetnici upućeni u JU Odgojni centar Tk-a u 2023. godini, te je vidljivo da prema strukturi krivičnih djela najviše su učinjena krivična djela nasilničko ponašanje.



Dijagram br. 4. – Struktura izrečenih odgojnih mjera u toku 2023. godine

Od ukupnog broja izrečenih mjera nadležnih sudova ukupno 7 (sedam) pravosnažnih rješenja prema modalitetu izricanja sankcije, od kojih je:

- 0 neprekidnog boravka i
- 7 na određeni broj sati .




Dijagram br. 5. – Spolna Struktura izrečenih odgojnih mjera u toku 2023. godine

U odnosu na spolnu strukturu od ukupno 7 (sedam) izrečenih mjera u 2023. godini, 6 (šest) su muškoga spola, a 1 (jedna) ženskog spola.

Kretanje izvršenja Odgojne mjere za period od 01.01.2020.godine do 31.12.2023.godine

Od 2020.godine do 31.12.2023. godine, broj izrečenih odgojnih mjera u JU Odgojnom centru Tk-a je 35 u kojima su maloljetna lica bili izvršioi krivičnog djela, i to: u 7 (sedam) predmeta neprekidan boravak, u 28 predmeta izrečena je mjera određeni broj sati.



N.B.-neprekidan boravak, O.B.S.-određen broj sati.


DIJAGNOSTIČKO OPSERVACIONI TRETMANI/ PREVENTIVNI TRETMANI

U periodu od 01.01.2023.- 31.12.2023. godine u okviru rada odjela dijagnostike i opservacije bilo je uključeno 49 maloljetnika, za koje su nadležni Centri za socijalni rad podnijeli zahtjeve za realizaciju Individualnih preventivnih tretmana. Od ukupnog broja, 41 je bilo muškog a 8 ženskog spola. Kod 9 maloljetnika tretman je započet u 2022. godini. Kod 27 maloljetnika su uspješno realizirani i okončani preventivni tretmani, tretman se trenutno realizira sa 2 maloljetnika, u proceduri prijema na tretman je 10 maloljetnika, a kod 10 maloljetnika su organ starateljstva ili roditelji odustali od realizacije tretmana. Intenzitet i trajanje tretmana su individualno određeni u zavisnosti od vrste i intenziteta problema u ponašanju.


U toku tretmana maloljetnika vodila se detaljna dokumentacija koja pokazuje kako je tretman tekao, koja su područja obrađivana i koji su rezultati tretmana uočeni kod maloljetnika. Početak, tok i završetak tretmana je tekao po utvrđenoj proceduri koja je osmišljena od strane stručnog tima Javne ustanove Odgojnog centra Tuzlanskog kantona. Tretman se vrši prema predhodno utvrđenom Individualnom planu i programu.

Glavna obilježja tretmanskog rada sa maloljetnicima koja doprinose efikasnosti tretmana su individualizirani i multidisciplinarni pristup. Za svakog maloljetnika pojedinačno se izrađuje plan tretmana, a kao polazna osnova se koriste podaci koje dobijemo o maloljetniku na samom početku tretmana. Tretman provode stručnjaci različitih profila: pedagozi-psiholozi, psiholozi, socijalni radnici, socijalni pedagozi i bachelor razredne nastave.

Po potrebi u toku tretmana kontaktiramo i roditelje/staratelje/usvojitelje maloljetnika, kroz informativne razgovore o toku tretmana maloljetnika i promjenama koje su oni eventualno uočili kod istog. U toku tretmana intenzivno kontaktiramo sa pedagogom škole koju maloljetnik pohađa, prati se njegovo ponašanje i školski uspjeh, tako da maloljetnik cijelo vrijeme ima osjećaj kontrole i nadzora, što bitno utiče na promjenu njegovog ponašanja.




Dijagram broj 6. – Godišta maloljetnika uključenih u dijagnostičko-opservacione tretmane/ preventivne tretmane



Dijagram broj 7. –Spolna struktura maloljetnika uključenih u Dijagnostičko-opservacione tretmane/ preventivne tretmane

U periodu od 01.01.2023.- 31.12.2023. godine u okviru odjela Dijagnostike i opservacije je bilo uključeno 49 maloljetnika. Od ovog broja, 41 je muškog spola a 8 ženskog spola.



Dijagram br.8. - Podnosioci zahtjeva za Dijagnostičko-opservacioni tretman/preventivni tretman

Cilj rada i tretmana sa upućenim maloljetnicima je u otkrivanja i procjeni uzroka i intenziteta poremećaja u ponašanju. Za svakog maloljetnika pojedinačno se izrađuje plan tretmana te se svakom maloljetniku pristupa individualno u pokušaju da se rizično ponašanje koje može dovesti do vršenja krivičnih djela otkloni. Samim otklanjanjem delikventnih ponašanja sprečava se vršenje krivičnih djela, te samim time i cijelokupan postupak koji slijedi nakon izvršenja krivičnog djela od strane maloljetnika.

Radionice, interaktivne radionice i stručna predavanja

Tokom 2023. godine, Javna ustanova Odgojni centar Tuzlanskog kantona je u osnovnim i srednjim školama Tuzlanskog kantona te ustanovama za smještaj djece i maloljetnika, realizirala niz preventivnih radionica za učenike, roditelje i nastavno osoblje koje su imale za cilj preventivno djelovati u borbi protiv maloljetničkog prestupništva. Sprovedene su kako slijedi:

Redni broj	Mjesto održavanja	Datum održavanja	Tema radionica	Broj prisutnih učenika	Broj prisutnih roditelja	Broj prisutnog nastavnog i stručnog osoblja
1.	O.Š. Lukavac Grad	14.02.2023.	Vršnjačko nasilje	23		1
2.	O.Š. Lukavac Grad	14.02.2023.	Vršnjačko nasilje	44		1
3.	O.Š. Živinice Gornje	27.02.2023.	Vršnjačko nasilje	17		
4.	M.S.Š. Gračanica	26.04.2023.	Vršnjačko nasilje	64		1
5.	M.S.Š. Živinice	27.04.2023.	Sigurni internet	15		1
6.	O.Š. Pazar	08.05.2023.	Sigurni internet	42		1
7.	O.Š. Kreka	09.05.2023.	Vršnjačko nasilje	18		
8.	O.Š. K.Š.C. Tuzla	10.05.2023.	Vršnjačko nasilje	116		
9.	O.Š. Kiseljak	11.05.2023.	Vršnjačko nasilje	14		1
10.	O.Š. Liseljak	11.05.2023.	Odgoj djece		5	1
11.	O.Š. Srnice, Gradačac	18.05.2023.	Vršnjačko nasilje	64		

12.	O.Š. Vukovije	19.05.2023.	Vršnjačko nasilje	29		4
13.	Srednja medicinska škola, Tuzla	29.05.2023.	Vršnjačko nasilje	27		
14.	Behram-begova medresa, Tuzla	30.05.2023.	Vršnjačko nasilje	195		
15.	O.Š. Klokotnica	01.06.2023.	Vršnjačko nasilje	28		
16.	O.Š. Klokotnica	01.06.2023.	Prezentacija rada O.C. i Vršnjačko nasilje		20	
17.	O.Š. Lukavac Grad	06.09.2023.	Prezentacija rada O.C. i Vršnjačko nasilje	37		1
18.	O.Š. Lukavac Grad	06.09.2023.	Prezentacija rada O.C. i Vršnjačko nasilje	51		2
19.	O.Š. Rainci Gornji	13.09.2023.	Prezentacija rada O.C. i Vršnjačko nasilje	24		2
20.	O.Š. Rainci Gornji	13.09.2023.	Prezentacija rada O.C i Odgoj djece		14	
21.	O. Š. Tojšići	18.09.2023.	Prezentacija rada O.C. i Vršnjačko nasilje	22		1
22.	O. Š. Tojšići	18.09.2023.	Prezentacija rada O.C. i Vršnjačko nasilje		16	1
23.	O. Š. Kalesija	26.09.2023.	Prezentacija rada O.C. i Vršnjačko nasilje	21		
24.	O. Š. Kalesija	26.09.2023.	Prezentacija rada O.C. i Vršnjačko nasilje		11	1
25.	O. Š. Gornje Živinice	28.09.2023.	Mentalno zdravlje kod djece		14	
26.	O. Š. Gornje Živinice	28.09.2023.	Mentalno zdravlje kod djece		3	
27.	Druga Osnovna škola Srebrenik	02.10.2023.	Prezentacija rada O.C. i Vršnjačko nasilje	23		2
28.	Druga Osnovna škola Srebrenik	02.10.2023.	Prezentacija rada Odgojnog centra i Odgoj djece		12	
29.	O. Š. Memići	04.10.2023.	Sigurni internet	23		1
30.	O. Š. Memići	04.10.2023.	Prezentacija rada O.C. i Vršnjačko nasilje		24	
31.	O. Š. Tinja	09.10.2023.	Prezentacija rada O.C. i Vršnjačko nasilje	24		
32.	O. Š. Tinja	09.10.2023.	Prezentacija rada O. C. i Odgoj djece		12	1
33.	O. Š. Čelić	11.10.2023.	Prezentacija rada O.C. i Vršnjačko nasilje	35		1
34.	O. Š. Čelić	11.10.2023.	Prezentacija rada O.C. i Odgoj i mentalno zdravlje djece		25	1
35.	Gimnazija Ismet Mujezinović, Tuzla	17.10.2023.	Sigurnost na internetu	67		
36.	JU Dom za djecu bez roditeljskog staranja Tuzla	18.10.2023.	Prezentacija rada O.C. i Vršnjačko nasilje	17		3
37.	Prva osnovna škola Živinice	09.11.2023.	Prezentacija rada O.C. i Vršnjačko nasilje	20		1
38.	O. Š. Solina	15.11.2023.	Prezentacija rada O.C. i Vršnjačko nasilje	36		
39.	O. Š. Solina	15.11.2023.	Prezentacija rada O.C. i Vršnjačko nasilje	30		

40.	O. Š. Brčanska Malta	17.11.2023.	Prezentacija rada O.C. i Vršnjačko nasilje	188		9
41.	Građevinsko-geodetska škola Tuzla	22.11.2023.	Prezentacija rada O.C. i Vršnjačko nasilje	24		1
42.	Građevinsko-geodetska škola Tuzla	22.11.2023.	Prezentacija rada O.C. i Vršnjačko nasilje	24		1
43.	O. Š. Slavinovići	06.10.2023.	Prezentacija rada O.C. i Vršnjačko nasilje	85		4
44.	O. Š. Slavinovići	06.10.2023.	Prezentacija rada O.C. i Vršnjačko nasilje		3	
45.	O. Š. Mejdan	08.12.2023.	Prezentacija rada O.C. i Vršnjačko nasilje	22		2
46.	O. Š. Mejdan	08.12.2023.	Prezentacija rada O.C. i Vršnjačko nasilje	24		2
47.	O. Š. Simin Han	13.12.2023.	Prezentacija rada O.C. i Vršnjačko nasilje	27		
48.	O. Š. Simin Han	13.12.2023.	Prezentacija rada O.C. i Vršnjačko nasilje		17	
UKUPNO				1520	176	48

Realizirano je ukupno 48 radionica. Sa učenicima je realizirano 35 preventivnih radionica kojima je bilo obuhvaćeno 1520 učenika. Sa roditeljima je realizirano 13 radionica- bilo ih je prisutno 176.

Ukupno je na svim radionicama bilo prisutno 48 nastavnika ili stručnih saradnika škole. Teme radionica koje su realizirane su se birale naspram potreba škole. Neke od teme koje su se obrađivale na radionicama su: Prezentacija rada Odgojnog centra, Vršnjačko nasilje, Sigurni internet, Odgoj djece i druge- u skladu sa potrebama škole i problemima s kojima se susreću.

MINISTAR

Hajrudin Mehanović